



1. Tschanteda da la suprastanza cumünela in marculli, ils 13.1.2016 a las 19.00 in chesa cumünela S-chanf

Presidi: Duri Campell

Preschaints: Gian Andrea Bott, Paolo Bernasconi (a partir da tractanda 39), Jnes Barblan, Liun Quadri

Absaints: Paolo Bernasconi (fin tractanda 2)

Actuar: Duri Schwenninger

Tractandas:

- | | | |
|----|-------|---|
| 1. | | Protocol |
| 2. | 0.211 | Dumandas da fabrica |
| 3. | 1.400 | Multas pumpiers |
| 4. | 0.211 | Reglamaint per valütaziun furmaziuns ed ordinaziuns da nouvs implaunts da solar sül territori cumünel |
| 5. | 9.998 | Herzog Lorenz, dumanda per cumprer parcella nr. 823 i'l quartier d'indigens Resgia Chapella |
| 6. | 9.999 | Varia |

La glista da tractandas vain approveda sainza objecziuns.

Protocol: Il protocol da la tschanteda dals 15.12.2015 vain approvu unanimamaing.

1 0.211 Dumanda da fabrica Hotz Talina e Gian Marco, dumanda per staziuner 2 boxas da garascha prefabrichedas

La suprastanza vaiva decis da pussibiliter a Talina e Gian Marco Hotz da staziuner provisoricamaing 2 boxas da garascha prefabrichedas sün parcella nr. 217 in Rudè. In seguit haun ils patruns da fabrica inoltro üna dumanda da fabrica BAB per staziuner quellas definitiv sün lur parcella. Zieva chi'd es uoss'avaunt maun il permiss da l'uffizi per il svilup dal territori chantunel decida la suprastanza unanimamaing da conceder il permiss da fabrica cun las medemmas pretaisas e cundiziuns scu cha l'uffizi chantunel ho fat.

2 1.400 Pumpiers Multas da pumpiers

Il president infurmescha, cha'l cumandant dals pumpiers La Plaiv propuona da multer ad 1 persuna, causa cha quella es steda absainta dapü scu 30% dals exercizis düraunt l'an

2015 sainz'as s-chüser. Zieva cuorta discussiun decida la suprastanza unanimamaing da multer tenor l'uorden da pumpiers e scu propost dal cumandant.

**3 0.211 Dumanda da fabrica
Reglamaint per valütaziun furmaziuns ed ordinaziuns da nouvs
implaunts da solar sül territori cumünel**

Il progress da la müdeda dal clima e'l savair da las reservas d'energia restrettas ho müdo il möd da penser tar la populaziun. Traunter oter s'ho augmanto l'interess generel per ün'explotaziun d'energia alternativa. Ad es da fer quint per l'avegnir, chi augmanta la cifra da las dumandas per implaunts solars eir in nossa vschinauncha. Üna regulaziun per simils implaunts per valüter las dumandas nun es fin uossa avaunt maun per garantir üna procedura lojala, resguardand il trattamaint eguel. Perque s'ho s-chaffieu il reglamaint scu basa per valüter in avegnir ils implaunts e per ordiner la furmaziun illas differentas zonas d'abiter. Il reglamaint serva taunt als patruns da fabrica scu eir als uffiziants cumünels scu agüd per respunder dumandas energeticas. Il reglamaint cumpiglia illustraziuns bain adattedas cun premissas e mustras pels patruns da fabrica. La suprastanza decida unanimamaing cha la regulaziun dess valair be illas zonas protettas S-chanf, Cinuos-chel e Susauna. Zieva chi'd es gnieu fat üna lectüra dal reglamaint preschaint decida la suprastanza da fer differentes müdamaints. Impü decida la suprastanza da lascher fer la traducziun in rumauntsch e da fer üna segunda lectüra.

**4 9.998 Cumprita e vendita terrain cumünel
Herzog Lorenz, dumanda per cumprer parcella nr. 823 i'l quartier
d'indigens Resgia Chapella**

La suprastanza piglia cugnuschentscha da la dumanda da Lorenz Herzog per cumprer la parcella nr. 823 i'l quartier d'indigens Resgia Chapella. Considerand, cha Lorenz Herzog accumplescha tuot las pretaisas dal reglamaint per vendita da terrain d'indigens a Chapella, decida la suprastanza unanimamaing da suottametter la dumanda a la prosma radunanza cumünela per l'approvaziun, propuonind d'aderir a quella. Medemmamaing vain surdo la dumanda a la suprastanza da la corporaziun vschinela per tratter quella.

5 9.999 Varia

Il president orientescha, chi sajan entredas reclamaziuns regard l'ova potabla a Cinuo s-chel. Cha'ls sclarimaints dal mneder da las gruppas tecnicas haun demusso, cha'l squitsch da l'ova da Punt'Ota es ieu inavous daspö cha la turbina es missa in funcziun. Cha l'ova potabla da Susauna, respectivmaing da S-chanf riva giò Cinuos-chel. La chosa dess gnir missa pü svelt pussibel in uorden cun regler il ventil da squitsch a Chapella.

Il president orientescha inavaunt, cha 2 dis zieva l'ultima tschanteda da la suprastanza es entreda la decisiun dal güdisch administrativ regard ils plaunts da planisaziun da l'Aurora Parc SA e da l'hotel Scaletta SA cunter las zonas d'hotels, respectivmaing cunter l'approvaziun da quellas tres la Regenza. Il güdisch administrativ ho do per part radschun als recurrents, per part eir do radschun a la Regenza. La Regenza vaiva approuvo l'an passo las zonas d'hotel ed in sequit haun ils 2 pertuchos inoltro ün plaunt al güdisch administrativ cunter la decisiun da la Regenza. Uossa ho il güdisch administrativ refüso l'inzonaziun da las differentas parcelas illas 2 zonas a la Regenza e pretais cha quella ho da fer sclarimaints profuonds regard las pussibiliteds economicas dals hotels e d'abitaziuns cun l'administraziun turistica qualificada e da decider da nouv in chosa. Dal rest es gnieu refüso il plaunt e cun que sun gnieu approuvos ils artichels 24 e 24 bis illa ledscha da fabrica. Il president spiega, cha la chosa es uossa tar la Regenza e cha quella ho da tratter da nouv ils plaunts da planisaziun. Nossa vschinauncha ho pel mumaint unic

il dret, da piglier part a la procedura da consultaziun chi gnaro cumanzeda prosmamaing da prüma.

A las 22.00 vain la tschanteda alveda.

In buna fè

L'actuar:

D. Schwenninger